

n'ont point de pouuoir sur la grace de Dieu , il l'a donne à qui bon luy semble , certainement elle est immense.

---

*LE CHAPITRE DE LA DISPUTE,  
contenant vingt-deux versets,  
escriit à la Medine.*

**A**V nom de Dieu clement & misericordieux. Dieu a ouy la parole de celle qui dispute avec toy de l'action de son mary , elle luy a dit sa plainte, il entend tous vos discours , il entend tout & void tout. Personne d'entre vous ne iurera de ne iamais toucher sa femme non plus que sa mere ; vos femmes ne sont pas vos meres, vos meres sont celles qui vous ont conçeus & enfantez, ceux qui parlent de la façon parlent incéluement , mais Dieu est clement & misericordieux ; Celuy qui aura iuré de ne plus toucher sa femme & la voudra cognoistre, donnera liberté à vn esclau pour satisfaction de son serment auant que de la toucher, cela vous est ordonné, Dieu sçait tout ce que vous faites, s'il n'a pas le pouuoir de deliurer vn esclau il ieusnera deux mois consecutifs auant que de la toucher, s'il ne peut pas ieusner, il dónner al'aumosne à 50. patures, vous deuez ainsi faire si vous croyez en Dieu & en son Prophete, Dieu l'a ainsi ordonné, & à preparé de

grands tourmens à ceux qui contreuiendront à ses commandemens. Ceux qui luy desobeiront & au Prophete, seront couverts de honte & d'ignominie, comme ont esté ceux qui les ont precedez dans l'impieté; Dieu a enuoyé ses commandemens en terre, ceux qui les abiureront seront rudement tourmentez au iour qu'il les fera ressusciter, il leur dira tout ce qu'ils ont fait, il en a tenu compte, & eux l'ont oublié, il void tout. Ne voidstu pas que tout ce qui est aux Cieux & en la Terre est à Dieu? Si vous estes trois secrettement assemblez, il est le quatrième, si vous estes cinq, il est le sixiesme, si vous estes plus ou moins, il est tousiours avec vous en quelle part que vous soiez; Il dira aux hommes au iour du Iugement tout ce qu'ils ont fait, il sçait tout. Ne voids tu pas l'action de ceux à qui on a deffendu les assemblees secrettes? ils retournent en leur peché, & font ce qui leur a esté deffendu, ils s'assemblent secrettement avec malice pour conspirer contre toy & pour te desobeir, & lors qu'ils viennent vers toy, ils disent que tu as dit des choses que Dieu ne t'a pas inspiré de dire, ils sçauent en leurs ames que Dieu les chastiera de leurs discours, & qu'ils iront tous en Enfer, où est leur rendez-vous; O vous qui croyez, ne faites point d'assemblée secrette pour offenser Dieu, pour conspirer contre son Prophete, & pour luy desobeir, assemblez-vous pour faire des actes de vertu, & pour seruir Dieu, ayez la crainte deuant les yeux, vous serez vn iour assemblez deuant sa diuine Majesté pour

estre iugez. Les assemblées secrettes procedent du Diable pour affliger les gens bien ; il ne leur fait point de mal que par la permission de Dieu ; & tous les fidelles se doiuent resigner à sa diuine volonté. O vous qui croyez , lors que vous vous assemblerez avec le Prophete, & qu'on vous dira de vous eslargir eslargissez vous , Dieu vous eslargira sa grace, lors qu'on vous dira de vous leuer, leuez vous, Dieu esleuera tous les vray - croyans qui sont entre vous, & mettra les doctes quelques degrez au dessus des autres, il sçait tout ce que vous faites. O vous qui croyez, lors que vous serez en volonté de dire quelque secret au Prophete, dites-luy avec verité, il vous en arriuera du bien & vous purifiera ; si vous craignez de luy dire vostre secret Dieu ne vous donnera pas sa grace. Faites vos prieres au temps ordonné, distribuez les decimes, obeissez à Dieu & à son Prophete, Dieu sçait tout ce que vous faites, Ne voids-tu pas ceux qui ont abandonné sa loy, la colere de sa diuine Majesté est tobée sur eux, ils sont de differéte opinion en leur mensonge, & n'ignorent pas qu'ils mentent, mais il leur a preparé vne grande punition à cause de leurs blasphemés, ils ont ceié leur foy & se sont deuoyez ; Certainement il leur a preparé de rigoureuses peines, leurs biens & leurs enfans ne les pourront pas deliurer de sa colere, ils seront precipitez dedans le feu d'Enfer où ils demeureront eternellement : Souuiens - toy du iour qu'il les fera reslusciter, ils iureront comme ils iurent deuant toy qu'ils ont crû en

sa loy, ils disent qu'ils font bien & sont des menteurs, le Diable les a préoccupés, & leur a fait oublier la parole de Dieu, ceux qui le suivent sont gens perdus; Ceux qui contrarient la volonté de Dieu & celle de son Prophete sont vaincus par le Diable: Dieu a dit dans les escritures; Tu n'obtiendras pas victoire sur moy ny sur mon Prophete, il est tout-Puissant & toujours victorieux; Tu ne trouuerras personne de ceux qui croient en sa loy & au iour du Iugement, qui n'observe exactement les commandemens de sa divine Majesté & ceux de son Prophete, encor que leurs peres, leurs enfans, leurs freres, & leurs compagnons leur soient contraires. Dieu a imprimé la foy dans leur cœur, il les a fortifiés par son esprit, & les fera entrer d'as des jardins où coulent plusieurs fleuves où ils demeureront eternellement; il sera satisfait de leur obeissance, & eux seront contens de sa grace. Ceux qui obeiront à ses commandemens seront bien-heureux.

---

*LE CHAPITRE DE L'EXIL,  
contenant vingt-quatre versets, escrit  
à la Medine.*

**A**V Nom de Dieu clement & misericordieux. Tout ce qui est aux Cieux & en la Terre exalte la gloire de Dieu, il est tout-Puissant & Sage, c'est